

Na osnovu člana 24. Zakona o državnoj službi u Federaciji Bosne i Hercegovine («Službene novine Federacije BiH», broj: 29/03, 23/04, 39/04, 54/04, 67/05, 8/06 i 4/12), a na zahtjev Federalne uprave civilne zaštite, Agencija za državnu službu Federacije BiH, objavljuje

**JAVNI KONKURS**  
**za popunu radnog mjesta državnog službenika**  
**u Federalnoj upravi civilne zaštite**

**6 / 1143**

- **Stručni saradnik deminer za analizu podataka i razvojne projekte PMA i ZIS u Odsjeku za uništavanje eksplozivnih sredstava (UES), Sektor za organizaciju deminiranja i uništavanje eksplozivnih sredstava – 1(jedan)izvršilac**

**Opis poslova:** vrši analizu učinka timova za UES i timova za podršku deminerskim operacijama kroz bazu podataka u odnosu na planirano; izrađuje periodične izvještaje o učincima timova i daje prijedlog za poboljšanje učinka timova prema Rukovodiocu sektora; daje prijedloge za unapređenje informacionog sistema po pitanju izvještavanja i analize podataka; dostavljanje važnih informacija za objavljivanje u medijima prema direktoru Uprave i web administratoru ili PR-u Uprave zvanične web stranice Uprave; vrši istraživanje po pitanju donacija i projekata za PMA i ZIS u BiH i uspostavljanje suradnje sa potencijalnim donatorima (EU, UNDP, EUFOR, ambasade i drugi); predlaže i učestvuje u postupku izmjene i dopune SOP FUCZ; vrši izradu razvojnih projekata za PMA i ZIS; na terenu prikuplja fotografsku i video dokumentaciju prilikom vršenja specifičnih zadataka uklanjanja i uništavanja eksplozivnih sredstava, te vrši procjenu učinka timova u odnosu na realne uslove na terenu; po nalogu direktora Uprave dužan je obučavati se za provođenje i drugih mjera zaštite i spašavanja, prema Programu proširenja funkcionalne namjene deminerskih timova, usvojenog na 41. sjednici Vlade Federacije BiH, održanoj dana 09.01.2008. godine; obavlja i druge poslove i zadatke koje mu odredi Šef Odsjeka vezane za poslove iz djelokruga ovog radnog mjesta.

**Pripadajuća osnovna neto plaća 1.226,84 KM.**

**Uslovi:** Pored opštih uslova predviđenih članom 25. Zakona o državnoj službi u Federaciji Bosne i Hercegovine, kandidati trebaju ispunjavati i slijedeće posebne uslove utvrđene Pravilnikom o unutrašnjoj organizaciji i to:

- VSS, VII stepen stručne spreme odnosno visoko obrazovanje prvog ili drugog ili trećeg ciklusa Bolonjskog sistema studiranja, Fakultet političkih nauka - smjer odbrana i sigurnost, politologija, sociologija, ekonomski fakultet, fakultet za javnu upravu ili Vojna akademija kopnene vojske smjer inženjerska koja ima status visoke stručne spreme,

- najmanje jedna godina radnog staža u struci, nakon sticanja VSS
- osnovni deminerski kurs što je u skladu sa odredbom čl. 5. i 6. Pravilnika o akreditaciji i ovlaštenju lica u humanitarnom deminiranju broj: 01-50-7207-1/09 od 23.12.2009. godine
- poznavanje rada na računaru
- poznavanje engleskog jezika

### **Prijavljivanje na konkurs:**

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme (original ili ovjerena kopija), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde, ili na web stranici Agencije [www.adsfbih.gov.ba](http://www.adsfbih.gov.ba))
3. Kandidati za radno mjesto stručnog saradnika, a koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
  - 1) fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06.04.1992. godine),
  - 2) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
  - 3) dokaz o položenom stručnom ispitu za namještenike

### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji ne polože ispit općeg znanja ili pismeni dio stručnog ispita gube pravo na učešće u daljoj konkursnoj proceduri o čemu se, prilikom saopćavanja rezultata na ispitu općeg znanja pisano informišu, a nakon pismenog dijela stručnog ispita usmeno se informišu o postignutim rezultatima. Kandidati imaju pravo uvida u rezultate koje su postigli na ispitu.

Kandidati koji su uspješno položili stručni ispit (pismeni i intervju) a ne dostave Agenciji validne dokaze (original ili ovjerene kopije) o ispunjavanju posebnih uslova javnog konkursa, u roku od pet dana, od dana održavanja stručnog ispita odnosno usmenog obavještenja o rezultatima koje su postigli, neće biti uvršteni na Listu uspješnih

kandidata. Agencija za državnu službu Federacije BiH, objavljuje rezultate stručnog ispita, na propisanom obrascu, na oglasnoj ploči Agencije.

Izabrani kandidat, koji u roku od sedam dana od dana prijema obavještenja o izboru, ne dostavi Agenciji za državnu službu Federacije BiH, validne dokaze (original ili ovjerene kopije) o ispunjavanju opštih uslova iz javnog konkursa, biće brisan sa Liste uspješnih kandidata.

Javni konkurs se provodi u skladu sa Uredbom o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine– prečišćeni tekst (“Službene novine Federacije BiH”, br. 10/18).

Prijavu, sa traženim dokumentima, treba dostaviti u roku od 15 dana od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Kanton Sarajevo i Bosansko-podrinjski Kanton Goražde  
Ul.Kulovića br.7  
71000 Sarajevo  
sa naznakom:**

**“Javni konkurs za popunu radnog mjesta državnog službenika  
u Federalnoj upravi civilne zaštite”**

**Nepotpune, neblagovremene i neuredne prijave odnosno prijave kandidata koji uz prijavni obrazac, ne dostavi traženu dokumentaciju kojom dokazuju ispunjavanje uslova iz tačke 2. i 3. ovog konkursa neće biti razmatrane.**

**V.D. DIREKTOR**

**Refik Begić, magistar uprave**